

宋朝大詔令集

宋朝大詔令集卷第一百四十八

政事一

禮樂上

祠祀令儀鸞司陳設幄幕詔 建隆四年四月

祠祀大事居處必莊如開行禮之時供帳不備今後祠祭宿齋並令儀鸞司陳設幄幕務令嚴潔稱朕意焉

詳定士庶車服喪葬詔 太平興國七年正月壬寅

朕以士庶之間車服之制至乎喪制咸有等威近年以來頗成踰僭用仲懲革式著典彝宜令所司更加詳定

刻儀令詔 太平興國八年正月甲子

傳云能以禮讓為國乎何有故斑白不游於市井負販相避於道塗耕廬山者有讓畔之風入周境者成息訟之美浩穰之地民庶實繁

宜申明於舊章用激清於薄俗儀制令云賤避貴少避長輕避重去  
避來宜刻其字違者論法

申禁奢僭端拱五年十一月丙戌

國家先定車服制度尋以頒行如聞士庶之間尚多奢僭之事重申  
禁約用革澆浮自今御史臺糾舉之

令有司恭養犧牲詔景德四年九月乙巳

朕以歲臻豐懋時格和平蓋神道之垂休致黎民之蒙福宜申昭報  
用達至誠潔以牲牢增乎典禮勉從振舉庶盡嚴恭自今祠祭犧牲  
歲初委有司擇純色別養養之令太常寺提舉在條不得捶打並依  
舊典其中小祠止用羊豕肉者並加用一羊四郊壇遺悉令嚴潔主  
弊豆籩之數宜命禮官檢討未及古制者增之仍令監察御史俞獻  
可張士遜充監察使與禮官同檢察之月給錢十千免其出使

祠祭祝板令秘書省常切提舉精謹書寫詔

景德四年八月甲辰

祭饗大事接於明神祝史正詞出於祕府舉茲職業尤在精虔自今祠祭祝板令祕書省常切提舉精謹書寫校讀乃得進署如有差謬當重寘其罪

誠約文武官出入據品秩回避命婦車檐與文武相遇亦須

回避詔

大中祥符元年二月庚申

公朝之客具存於典冊官品之制蓋辨於等威錫車服者既異其物儀峻陞級者是崇於堂奧義資尊獎禮在肅恭嘗頒詔條明示約束固宜遵守宜合因循如聞近年頗有踰越或入超禁闥促轡以爭先或相遇中衢徐行而靡顧以至整其徒御曷臺閣之尊崇恃乃車輿絕衣冠之導從莫知貴賤之分殊乖避讓之方有玷時風深紊朝體宜申著令用式彝章自今文武群官內庭出入道路相逢據品秩回

避側立一依儀制命婦車摺與文武相遇亦須回避不得交雜導從  
仍令所司告示違者具名以聞

祈報遵律令詔 大中祥符二年二月丁亥

如聞近歲命官祈雨有司第給祝板不設酒脯按令文凡祈以酒及  
脯醢報准常祀宜令有司自今祈報准遵禮令務在蠲潔

朝謁啟聖院太宗神御殿如饗廟禮詔 大中祥符三年正月

紺宇斯嚴聖容如在每屆陽春之候虔修朝謁之儀雖掌故之司已  
陳於典禮而奉先之志未及於寅恭宜用增崇以伸欽慕自今朝謁  
啟聖院太宗皇帝神御殿如饗廟之禮設褥位西向再拜升殿行禮  
畢歸位俟宰臣奠獻訖就位復再拜永為定式

謁廟至殿庭不得令百官回班詔 大中祥符三年

朕親祀后祇昭告祖考詳觀定議有所未安入廟別步武正門至庭

則迴班東向屬以天封藏事時邁戒期未暇改更靡遑寧處且躬伸  
祇見禮尚尊嚴當暨寅恭庶申誠懇謁廟日朕當自南東偏門入至  
殿廷不得令百官迴班仍付所司

令定僕射赶上儀詔大中祥符四年五月甲戌

文昌撥路師長百僚位望斯崇典章具載惟中臺之赶上久廢舊儀  
在多士之式瞻曷明異數宜加論討庶辨等威自今宰臣官至僕射  
者並於中書都堂赶上不帶平章事者亦於本省赶上今太常禮院  
與崇文院檢討詳定儀註

知制誥觀察使以上知州府中轉運止署按檢詔大中祥符  
五年七月乙酉

尚書丞郎兩省給諫知州府而本部郎中員外及兩省六品以下官  
充本路轉運使副者承前例須申報雖職方統攝方委於事權而官

有等差當明於等級自今知制誥觀察使已上知州府處所中轉運使狀並止署案檢令通判已下署銜供申如轉運使官秩在上者不在此限

今天書在朝元殿由右昇龍門入

大中祥符七年三月甲子

朕躬承鴻貺欽翼元符每祇典於盛儀乃奉置於前殿爰修簪薦必涉廣廷未協寅恭是從詳正自今天書在朝元殿朕由右昇龍門入自東上閣門就東階赴殿焚香所司著為定式

令玉清宮太廟郊壇行禮前不得衛士迎駕起居萬歲詔大

大中祥符七年二月庚辰

朕祇見真宇對起大宮暨肆類於郊邱並夙嚴於容衛方結佩而精饗遽望蹕而歡呼當仰接於明靈慮有虧於祇肅肇頒新制用表至虔自今玉清昭應宮太廟郊壇薦饗行禮前不得令衛士迎駕起居

萬歲

恭奉臣請車駕詣宮觀正殿再拜外諸殿令宰相以下分拜  
表詔大中祥符八年正月

朕祇膺命曆寅畏天明秩群祀以無遺闕萬靈而有恪每祈衆祐躬  
款真祠至於薦達蕭鄉虔恭拜起未嘗懈惰真極齋明卿等備述傾  
輸願伸裁損省覽之際嘉尚滋多所請宜不允

令丹墀版位設於龍墀亞獻褥禮設於沙墀詔祥符九年十一月壬午

朕躬詣殊庭奉薦丕稱願茲版位之設當于玉冊之前方內鑒於寅  
威固莫遑於寧處宜伸抑畏用表欽崇其玉清昭應宮太初殿奉上  
玉皇大帝聖號寶冊丹墀版位宜設於龍墀亞獻褥禮宜設於沙  
墀俟奉寶冊畢薦獻即依舊制

誠僭者詔嘉祐四年五月十日



朕繙承丕基撫有方夏謂教之不可以家至而行之每務於身先惟是儉勤敢忘勉勵期與群庶臻於富康而人怠久安驕於佚欲物豐大盛耗以虛浮苟奉養以自私忘儉奢之為戾士民交黷貴賤靡分惟其彊力之能無復等威之制考於著令雖有舊章顧在攸司鮮聞用法民遂安於常習弊罔革以滋深紀綱既紊於度程風俗以至於流蕩俾朕有欲治之意不能副余之誠心而民多自陷之愚未免煩余之訓導夫令信由於貴始下化先於上行菴予一二之臣其率庶工而警職俾爾多方之衆勿踰常法以干刑庶漸革於侈風以共趨於治路凡居室之制器用之度冠服之章妾媵之數其令中外臣庶遵守前後條詔如有違犯仰御史臺及開封府糾察聞奏其諸路州軍即委轉運使提點刑獄臣察及巡處長吏施行布告中外咸使聞知故茲詔示想宜知悉

依周吉禮之制御筆手詔大觀二年八月十九日

禮緣人情以義而起因時之宜御今之有故商因於夏所損益可知周因於商所損益可知而不相襲也善法古者不法其法法其所以為法之意而已去古綿邈禮之遺文掃蕩殆盡雖間見於書傳類多諸儒之臆說非古人之大全無所推考而士或是古非今捨近求遠膠繁文末節而忘經緯之大經歷世千百莫能興作可勝慨嘆今按十歲之統乘久安之運當百年可興之時修前世已墜之典亦難矣然稽古而不泥於古驗今而不失於義因今之材而起之雖情之度數與古有異要其辨上下分貴賤定尊卑別嫌明微移風易俗實諸先王而不謬貽之後世而可法則在幾為先王有吉凶賓軍嘉五禮有司講議首以冠禮來上編序靡次恭訂弗審機事之暇歷觀載籍遠稽成周以迄隋唐指授類例論又有秩易於披省然周以吉禮事

邦國之鬼神示易曰與鬼神合其吉凶則吉者天之所命也以嘉禮  
親萬民易曰嘉會足以合禮則嘉者人道之美也祭祀裸獻謂之言  
昏冠燕饗謂之嘉其名殊其事異自漢以來失先王禮意以冠為吉  
禮之首有司承誤循沿豈可以追迹先王垂訓萬世可依逐項批降  
指揮改正仍再詳定以聞禮以序人倫為卑尊後先之等以辨上下  
故知禮之序然後可以制禮禮壞久矣失後先之序無復統紀考於  
周書其制具在以禮祀祀昊天上帝以實柴祀日月星辰以禋燦祀  
司中司命風師雨師以血祭祭社稷五祀五嶽以醴沈祭山林川澤  
以醯辜祭四方百物以肆獻裸享先王與禴祀燕嘗為吉禮之事而  
冠不在焉蓋先天而後人為禮之序不可踰也今以義起於千載廢  
闕之後不追述先王制作之原以冠為吉禮之首失先王之意遠矣  
可並改正依周吉禮之制周書嘉禮以親萬民以昏冠之禮親成男

女自本而親昏以親之冠以成之先昏而後冠也考於儀禮以嘉為五禮之首以冠居昏禮之上殆失周王制禮後先之次則知儀禮乃諸儒之論非先王之典復世因之源流弗草本數末度亂命失序不足取法今有司以禮來上先冠後昏習非承誤失禮之意且昏者人道之始冠者人道之成親之而後成之事之序也可依周制改正餘依所奏

戶部尚書禮制局詳議官劉炳乞禁浮言御筆手詔政和三年十月肆日

禮以定民志制未立而浮言惑之妨功忌能亂化之姦尚未悛革可依所奏仍立賞錢一千貫許人告以徒三年科罪

奉行五禮新儀監司因按部攷察虔情御筆

政和八年正月二十五日

禮止邪於未形先王作儀以範民而教之中其意微矣五禮新儀州

縣推行未臻厥成可依所奏今諸路監司因按部攷察虔愾擇一  
二以開當議賞罰以觀忠厚之俗

開封府申請五禮新儀節要并前後指揮更不施行宣和元  
年六月二十五日

頃命官修禮施之天下冠婚喪祭莫不有制俗儒膠古便於立文不  
知達俗問閭比戶貧窶細民無廳寢房牖之制無階庭升降之所禮  
生教習責其畢備少有違犯遂底於法至於巫卜媒妁不敢有行冠  
昏喪祭久不能決立禮欲以齊民今為害民之本開封府申請五禮  
新儀節要并前後指揮及差禮直官禮生并教行人公文指揮可更  
令施行

十四制用樂詔 景德三年八月辛未

致恭明神邦國之重事升薦備樂方策之彝章況乃大祠所宜嚴奉

舉行舊典用格靈祇自今夏至祭皇地祇孟冬祭神州地祇二社臘祭太社太稷春秋二仲祀九宮貴神春分朝日秋分夕月臘蜡百神立春祀青帝立夏祀赤帝季夏土王祀黃帝立秋祀白帝立冬祀黑帝凡十四祭宜並用樂

改樂名詔 大中祥符元年六月壬子

雅樂之設允協於同和名制有常非可以輒易惟封禪之大祭與郊祀而異名饗天地以潔誠嚴祖宗而配侑特新嘉號用播鴻徽所定樂曲名宜依侯封禪禮畢仍舊

別製天書樂章詔 大中祥符元年十二月乙酉

朕祇受元符率遵令典式備烟燭之禮俾揚金石之音宜令太常寺別製天書樂章侯親饗園丘日以奉禮祀

贈王清昭應景靈宮樂詔 大中祥符七年六月己未

朕欽奉真猷載嚴恭館講求茂實昭答上靈雖朝享之儀亟加於申飭而彝簋之數尚闕於討論爰命禮官博詳典故廣以郊廟之制備茲鐘磬之容儼金石之九成庶諧雅奏煉熊羆之四列永煥明禋式罄精衷以延多福自今玉清昭應景靈宮架並用三十六龔

享先農釋奠文宣王武成王並用登歌詔

景祐元年十一月辛亥

樂者所以諧五降之節導三靈之和傳之禮文者在祠典頌雅多致逆失僭章肆先聖之重熙復正聲於大祀然和耕句籍舍萊學宮至於武成之祠肇自建隆之制典名雖在工奏靡聞屬方遺音思振前矩其今太常寺自今享先農釋奠至聖文宣王昭烈武成王並用登歌仍詔學士院撰樂章

訪曉雅樂人詔

王者節制民心敷宣國教惟雅樂之作乃治道之端肆朕贊圖弗忘

稽古奉郊邱宗廟之祀正會朝享侑之容威和人神茲事至重要居  
深念躬目考示擇精學以討論委輔臣而參綜尚慮舊籍多缺遺韻  
失傳思博訪於知音庶克臻於盡善宜令御史臺諸路轉運司遍行  
搜訪應文武臣寮幕職州縣官并州里儒學草澤博聞之士如有能  
曉達古今雅樂制作法度及考正鍾律音調得失仄琯測候次第並  
許稱為或自經官司投狀未得發遣赴闕仰具姓名并所供事狀候  
勅到限兩月奏聽指揮宜令逐路轉運司依先降勅命更展限半年  
搜訪奏聞



宋朝大詔令集卷第一百四十九

政事二

禮樂下

訪樂詔

景祐二年四月前詔出仁宗政要此詔出宣獻集文小異政重出

勅夫禮生於人心通於國教惟雅樂之作乃治道之端肆朕纂圖弗忘稽古奉郊邱宗廟之祀正會朝享侑之容感和神明茲事至重要居深念躬自考求擇精學以討論命輔臣而參綜尚慮舊籍多缺遺韻莫傳思博訪於知音庶克臻於盡善其有簪紳之士畏憚之流究律呂之原達古今之變或削章求上或詣吏自陳當為詳裁期于折衷咨爾宰輔布於群倫

議樂詔

皇祐二年閏十一月丁巳

朕聞古者作樂本以薦上帝配祖考三五之盛不相從襲然必太平

始克明備周武受命至成王時周公始大合樂以和邦國漢初亦沿舊樂至武帝時始定泰一后土樂詩先武中興至明帝時始改大予之名損益前後以制樂節唐高祖造邦至太宗時孝孫文收始定鍾律明皇方成唐樂是知經啟善述禮樂重事須三四世聲文乃定國初亦循用王朴竇儼所定周樂太祖患其聲高遂令和峴減下一律真宗始出聖意大祠用樂又議隨月轉律之法屢加按覈然念樂經久墜學者罕傳歷古所覃亦未免緒煩雖再三考定博加訪求終未有的究古今知聲知經可信之人當為改更未適茲意如其制作益須切當宜委中書門下集兩制及太常禮樂官將天地五方神州日月宗廟社蜡祭享所用登歌宮懸更審定聲律是非按古合今調諧中和務要議論允適經久可用垂信不朽使祖宗功德發揚無窮神祇威格善氣來應苟獲至當何憚改為但審聲驗書二學鮮並互詆

肯臆無所援據慨然希古靡忘千懷尚賴洽聞共圖盛節故茲詔示  
想宜知悉

議樂詔 皇祐三年正月甲午

朕聞至樂之大統和天人奮雷先聞萬物震豫故人觀象而制作之  
韻鑒著根英之文陶虞紀明紹之美三王殊憲稱謂炳然降及後世  
鮮克尊尚唯東漢命曰大予開元自云唐樂庶古未逮朕所慕焉故  
前詔執政訪圖博議將以立度出均考音正律謹權審量備器協樂  
以定本朝之述作用章祖考之謀烈與名生於義出乎實言順而後  
事成而禮樂興焉庶幾輝光永昇永裔其令

國樂名大安詔 皇祐三年六月丁巳

朕惟古先哲王隨代立樂亦既制作必有稱謂緣名以討義繇義以  
知德蓋名者德之所載而行遠垂久之致焉故詔以詔堯夏以歌舜

獲以救民武以象伐傳之不朽用此道也國家紹膺題序表裏禔福  
舉廢正失典章交備獨斯體大而有司莫敢易言之朕憫然念茲大  
懼烈聖之休未能昭揭於天下之聽是用申勅執事遠求博講而考  
定其表令禮官學士迨三事之臣同寅一辭以大安之議來復且謂  
藝祖之戡暴亂也安天下之未安其功大二宗之致太平也安天下  
之既安其德盛洎朕之承聖烈也安祖宗之平安其仁厚祇覽所議  
熟復于懷恭惟神德之造基神功之戢武章聖恢清淨之治冲人蒙  
成定之業雖因世之迹各異而靖民之道同歸以之播鍾球文羽籥  
用諸郊廟告於神明曰大且安誠得其正依

賜范鎮進新樂詔元祐三年閏十二月甲辰

朕惟春秋之後禮樂先亡秦漢以來韶武僅在散樂工於河海之上  
往而不還聘先生於齊魯之間有莫能致魏晉以下曹鄴無譏豈徒

鄭衛之音已雜華戎之器間有作者猶存典刑然銖黍之一差或宮商之易位惟我四朝之老獨知五降之非審聲知音以律生尺覽詩書之末上聞真籥之在廷君臣同觀父老太息方詔學士大夫論其法工師有司考其聲上追先帝移風易俗之心下慰老臣愛君憂國之志究觀所作嘉嘆不忘

賜大晟樂名御筆手詔 景寧四年八月二十七日

道形而下先王體之協於度數播於聲詩其樂與天地同流雅頌不作久矣朕嗣承令緒荷天降康四海泰定年穀順成南至夜郎祥牂西踰積石青海罔不率俾禮樂之興百年於此然去聖逾遠遺聲弗存乃者得隱逸之士於草茅之賤獲英莖之器於受命之邦適特之宜以身為度鑄鼎以起律因律以制施按協於庭八音克諧蓋祖宗積累之休上帝克相豈朕之德哉昔堯有大章舜有大韶三代之王

亦各異名今追十載而成一代之制宜賜名曰大晟朕將薦郊廟享鬼神和萬邦與天下共之豈不美歟其舊樂可更不行用仍令學士院降詔

京西提學曾弼乞賜宴辟雖用雅樂御筆

大觀三年五月十二日

雅鄭不相為用而孟軻以為今樂猶古樂去古逾遠鄭亦不可廢也辟雖三代之制而作鄭衛之聲非所謂辨可以所奏自今賜宴辟雖宜用雅樂

行大晟新樂御筆手詔政和三年五月三十日

樂廢久矣歷世之君十有餘歲莫之能興以迄于今去古既遠循沿五季之舊誠非治世之音祖宗肇造之始嘗未遑暇百斗後興蓋自崇寧之初納漢津之說成大晟之樂薦之郊廟而未施於燕饗夫今樂猶古樂也知其情而已循聲以知音循音以知樂猶樂以知政所

通在政所同在音而無古今之異比詔有司以大晟樂播之教坊按  
試於庭五聲既具八音始全無滯焦急之聲有純厚繳繹之美朕  
奉承聖緒立政造事昭功繼志一紀于茲乃者元圭告成今則雅樂  
大備功成作樂於是始信荷天之休宗廟顧諟追三代之盛成一代  
之制以遺萬世嘉與天下共之可以所進樂並頌天下其舊樂悉行  
禁止仍令尚書省措置立法行下故茲詔示想宜知悉

太師魯國公京討論新樂奏諭御筆手詔

政和三年八月二十六日

朕適追先志增闡大猷荷天之休聿追嘉靖仍賴師儒同底于治十  
有餘年大小畢舉矧夫作樂所以報功探考情文其敢後乎於是躬  
律之度叶彼中聲迺詔太師魯國公京討論載籍博求遠古討議垂  
成中經沮止荏苒十載始克有成志有彝倫徵角二招全乎五聲匏  
土草木備于八音去焦急滯懣之非成曄緩純和之美班治顯設庶

幾比隆三代追配韶武矣朕甚嘉之京政沃盡忠獻替無隱致此君臣相悅之樂復明于時中外翕然行之無數和氣致祥珍瑞叢出萬世所賴時乃之功京位極公師賞延于嗣已降詔旨二子直龍圖閣脩脩可並除集賢殿修撰京宜降詔褒諭

兩學習樂成輔臣案試御筆政和三年九月十八日

以樂教士先王之政蓋仁言不如仁聲之入人深樂樂此者也士苟知樂乎此則達性命之理矣兩學生如所習已成輔臣案試記取旨

符寶鼎圭輅

受傳國寶赦天下德音元符元年五月己酉

門下朕承天眷錫以珍符俾壽而昌傳世無極顧德弗類祇奉宏休拜胝於庭懼不能任告成大慶豈朕敢私其教錫於庶民以大貴於天下應四京諸道州府軍監縣限德音到日已前見禁罪人除死罪



並依法內枉法自盜罪至死情理輕者減一等刺配千里外牢城其餘死罪降從流流罪降從徒徒罪已下並放云云於戲受命之祥震于珍物宥過之澤期于無刑嘉與萬邦共承景貺惟爾有衆體朕至懷

受八寶赦天下制 大觀一年正月一日

門下朕紹天明命若昔大猷襲七聖積德之基接千載承平之統恢張制作修飭典章顧百度之咸熙惟八寶之未備茲慶卜年之永肇新受命之符荐錫嘉祥誕膺景貺獲金玉於異域得妙工於編氓顧惟眇躬震於珍物殆天所受非人能為成一代之彌文舉百王之隆典爰涓歲旦祇受路朝踈勤華夏鄙漢儀之未盛曼超今古陋秦制之非工既壽永昌受福無極惟緝熙於純嘏均被臣隣用敷錫於庶民普週遐邇可大赦天下云云祖宗垂統近百五十年文明禮備而

八寶之制未能如古在昔神考嘗詔有司選工治玉久未及成以迄  
于今鎮國受命之寶與皇帝天子六寶煥然備具朕嗣有令緒獲承  
天休思與在位在服之士同慶云云元祐之初姦臣乘間得罪放廢  
言念歲月之久屢更赦宥除懷奸睥睨報怨不臣公肆誣祇罪在宗  
廟朕不敢貸其尚繫貶所復情輕法重例被放彙或非身自犯因人  
得罪或止緣介冒附會朋比或志匪誣謗言有近似或緣辨理語類  
譏訕或因職事偶涉改更凡此之類可合據元貶責罪審量其情分  
輕重等第取情輕者與落罪籍特與甄叙差遣云云於戲履端布治  
與物為春宥過推仁配天其澤咨爾有衆咸體至懷

為受命寶制作之因 大觀三年八月二十七日

八寶之名一曰鎮國神寶二曰受命之寶三曰天子之寶四曰天子  
信寶五曰天子行寶六曰皇帝之寶七曰皇帝信寶八曰皇帝行寶

古惟六璽至唐始名曰寶增數至八今天下承平百五十年其制尚闕紹聖中得秦李斯所作制度雖工乃藍田青玉又鎮國寶未有所楷崇寧五年有以玉印獻者即方寸以龜為鈕拂塵滌垢工作精巧文曰承天福延萬億永無極震于異物殆天所授遂以受命于天既壽永昌為受命寶文又以承天福延萬億永無極為鎮國寶文皆琢以白玉篆以蟲魚寶成祇受典禮始克大備寶邦家之慶鎮國受命二寶寶而不用藏置內府人未知制作之因可宣付有司照會

來年元日祇受定命寶御筆手詔政和七年十月二十八日

昔者帝王臨制天下必有神麗託之宛災以承天休以前民用朕獲承累聖基業嗣有鎮國受命與天子皇帝之寶其數有八蓋非乾元用九之數夙興夜寐思所以稱比得寶玉於異域受定命之符於神宵乃以範圍天地幽贊神明保合太和萬壽無疆為文卜云其吉篆

以蟲魚縱廣之制其寸亦凡號曰定命寶其數大備昭示未裔傳信  
無極非特予一人有慶亦惟爾萬邦之休來年元日祇受敷告多方  
想宜知悉

受定命寶敕文政和八年正月六日

門下備守邦之器蓋惟天下之至神申卜世之休斯有聖人之大寶  
朕纂承丕祚臨御多方遵烈考之燕謀荷上穹之孚佑師干載載農  
危屢置集四海之嘉祥莫不畢至舉百王之隆典迄用有成誕開慶  
緒之隆爰示珍符之秘金玉來於異域定命自於神霄謀惟龜筮之  
從彖以蟲魚之妙于帝其訓而天弗違乃即歲端受於路寢禮聲肅  
莊之意樂宣純繹之音太極函三通太和於一氣乾元用几增寶祿  
於萬年宜錫渙恩以昭景貺肆繇中而及外咸與物以為春可大赦  
天下云云比修建明堂嚴父配天頒朔布政凡時之運氣與月之政

今朕親御明堂舉而行之布告中外惟爾攸司其悉乃心祇若成憲  
檢舉遵守使繼志述事之政常行而不怠常舉而不廢以稱朕意云  
云於戲無疆惟休既對曰天之命並受其福式敷率土之仁尚冀修  
輔之懋更懋奮庸之志誕綏有衆永底丕平

九鼎敕文 崇寧四年九月四日

門下朕承祖宗之烈宅兆民之上任太守重靡敢違違思持盈守成  
之至報念繼志述事之攸濟選用衆正共圖康功內則講修憲章興  
熙豈既隆之典外則攘却四裔復版圖已弃之疆恢靡泮以賓賢能  
招鼎穴以收遺逸隆九廟以尊祖載五兵以阜民荷天降康方夏綏  
靖星軌順序年穀屢豐南至夜郎祥河西踰積石青海驚風請吏稽  
首來庭永惟天命之至隆宜有靈承之丕應若時夏后幽贊成能命  
九州之牧而貢金貫三才之象而制器是為大寶三代奉之千載已

還百王敢議逆者得隱逸之士於草茅之賤窮制作之妙於範圍之  
先因天之幾以身為度埤大象以立極興神物以前民上承天休下  
奠坤載以篤邦家之慶以協神人之和紹百世之宏規成一代之聖  
作式涓吉旦奉置殊庭于時日景宴溫龍文光潤卿雲上覆羽臨來  
儀華喬永寧廟社增重膺茲丕朕豈朕敢專宜大澤之肆均與群生  
而共慶可大赦天下云云於戲有典有則續禹之功卜世卜年過周  
之祚惟天之所祚者厚則澤之所施者鴻布告通遐宜體朕意

太師蔡京三上表乞涓日受元圭

癸丑年  
十月二日

昔者堯則天而行道禹制器以告功歷考前王莫之能繼賴天顧謨  
申命用休錫以珍祥神物自至顧德弗類推而不居勉徇輿情實有  
慙德惟爾百辟其尚文修無俾前人專美堯禹則無愧於斯寶不其  
美歟所請宜允

元主敕 政和二年十二月二十四日

門下朕嗣守丕構獲承至尊永惟居業之艱敢怠繼猷之重荷皇穹  
之純祐僕景命於無疆錫乃元主為時大賢內赤外黑上銳下方繼  
陰陽之至精體乾坤之盛德溫潤而澤有雲行雨施之文追琢其章  
著地平天成之象冠真祥而創見茲歷世所未聞是用稽圖謀之言  
摠縉紳之議聿迎至日親御路朝肆誕舉於隆儀用靈承於丕朕昭  
哉嗣服緬懷二帝之勛告厥成功豈獨一人之慶可大赦天下云云  
於戲惟天祐予壹德施其教專效福錫厥庶民遠無弗屆咨爾中外  
體予至懷

改天平輦為登封輦辟塵道遙輦為省方道遙輦詔

大中祥

符二年五月乙卯

輿輦之設典式具存屬萬仞上封十里東狩遂從宜而立制當因用

以得名宜以天平輦為登封輦辟塵道遙輦為省方道遙輦

名迎真迎聖奉聖奉宸輅詔大中祥符六年五月辛丑

朕欽承寶命度乾粹容方涉夷塗即臨恭館特廣車輿之飾用伸迎奉之儀肇創嘉名庶章懿則其玉皇大帝聖像車恭以迎真輅為名聖祖天尊大帝車以迎聖輅為名太祖皇帝車以奉聖輅為名太宗皇帝車以奉宸輅為名



宋朝大詔令集卷第一百五十

政事三

經史文籍

脩五代史詔開寶六年四月戊申

唐季以來興亡相繼非青編之所紀使後世以何觀近屬亂離未逞纂集將使垂稽模於百代必須正褒貶於一時宜委近臣俾專厥職其梁氏及後唐晉漢周五代史宜令參知政事薛居正監修

修時政記詔太平興國八年八月辛亥

史氏之職歷代所先政令之大小必書人君之言動皆錄累朝多故舊典闕如策書所紀殊為漏落自今軍國謀議宰相與聞者宜令工部尚書參知政事李昉撰錄每季終送史館樞密院公事亦令副使一人專加纂集送史氏

名太平御覽詔太平興國八年十二月庚子

史館新纂太平總類一千卷包括群書指掌千古頗資乙夜之覽何止名山之藏用錫嘉稱以傳來裔宜改名太平御覽

頒許慎說文詔雍熙三年十一月乙丑

許慎說文起於東漢歷代傳寫偽謬寔多六書之蹤無所取法若不重加刊正恐其漸失源流爰命儒學之臣共詳篆籀之跡鉉等深明舊史多識前言果能商榷是非補正闕漏書成來上克副朕心宜遣彤璫用廣流布自我朝之垂範俾永世以作程其書宜付史館

行雍熙廣韻詔端拱二年六月丁丑

字學之書歷代編錄雖討論而粗備且偽謬以實多滯澁詎分魚魯相戾俾別加於刊正用彰示於將來太常博士直史館勾中正著作佐郎史館編脩吳鉉大理寺丞史館編修楊文舉盡瘁文林服膺儒

業考古今之同異究彙隸之根源損益得中闕漏咸補書成上奏勤  
亦可佳自予無外之朝永著不刊之典其新定雍熙廣韻一百卷宜  
付史館勾中正等仍持與酬獎

命呂端錢若水再修太祖實錄詔咸平元年九月己巳

昔我太祖誕膺丕命肇啟皇基盛德豐功焯于千古恭惟實錄將示  
無窮而筆削非工多所漏略先朝命史臣張洎重加刊修其書未成  
會洎淪謝朕猥以寡昧獲守宗祧近因披尋備見疎簡是用奉先成  
志申命有司監修國史右僕射兼門下侍郎平章事呂章早踐周行  
逮事皇祖朝章國典尤所諳詳修國史工部侍郎判集賢院錢若水  
博涉藝文服勤論撰所宜共訪閨臺之士精求良直之徒採摭見聞  
補緝遺逸明其銓配之理授以刊綴之方勉共裁成以揚芳烈

頒編勅書德音詔咸平元年十二月丙午

國家開創以來詔令所下年紀寢久科條寔繁爰命有司重定厥要去其重複分以部門著為定規允協中典宜下頒諸路與律令格式刑統同行其雕造印板委監館閣書籍劉崇起管

頒校定切韻詔景德四年十一月戊寅

四聲成文六書垂法經籍資始簡冊攸存自吳楚辨音隸古分體年紀寢遠攻習多聞偏旁由是差訛傳寫以之漏落討論未備教授何從爰命刊修務從精當俾永代而作則庶後學之無疑宜令崇文院雕印送國子監依九經書例施行

王旦等上新修國史付史館詔

大中祥符九年二月丁亥

唐虞以降文籍具存蓋所以垂法作程顯善彰惡是為國典用示方來鴻惟祖宗再造區夏輝揚威靈則肆暴者畢誅宣暢湛恩則懷生者咸遂修起廢墜億寧神祇奉珍之邦重譯而康至膺圖之端繼日

而雲臻茂功格于皇天盛業隆於往代煥然徽烈宜著信書朕仰奉  
慶靈恭思紀述載惟良直之筆故資深懿之才卿等衡軸元臣文儒  
上列英詞可潤於金石興學咸洞於縑緗聿副眷懷克成大典繼宣  
尼著明之義有班彪述作之精表二聖之鴻猷為萬世之成憲披覽  
之際感慰良深至於嘉稱豈忘寤寢以其書付史館

國子監經書更不增價詔天禧元年九月癸亥

曩以群書鏤于方版與傳簡夏用廣師儒期於向方固靡言利將使  
庠序之下日集於青襟區域之中咸勤於素業教本抑末不其盛歟  
其國子監經書更不增價

今編修官書選人名手景德四年十二月乙未

編修君臣事迹官皆出慎選朕於此書匪獨聽政之暇資於閱覽亦  
乃區別善惡垂之後世俾君臣父子有所鑒誠起自今後初修官至

楊億各依新式遞相檢視內有脫悞門目不類年代帝號大次者並署仍書逐人名下隨卷奏知異時比較功程等第酬獎庶分勤惰仍令劉承珪等專差人置麻

賜王欽若手札

大中祥符三年

編修君臣事迹所進總錄節操事有盧譔晉愍帝時為從事中郎後為石季龍所得以為中書監季龍誅遇害雖顯名於石氏嘗以為辱謂諸子曰吾歿之後但稱晉司空從事中郎且譔世受晉恩在元帝時為散騎中書侍郎既為季龍所得不能為守忠義累授顯官又因季龍而誅是非節操也而歿後之言欺罔簡冊篇序云秉節無二同夫介石徙操而罔屈處亂而靡汙甚相違戾也且與夫歐血稱盲破琴露髮同為一貫諒有慙德此書正欲鑒戒後人尤須審度事理又窮愁卷晉劉琨與盧諶五言詩蓋切於破敵忠於王室為陵足碑

所忌物摯幽憤為此以露其志而一篇都不錄之後魏韓顯宗以矜  
代失意向洛與李彪五言詩而一篇全錄似此因事立言各有意指  
非常所緝綴文章並當存之

與王欽若手札大中祥符三年三月辛卯

覽所進內臣部恩寵門觀其作序之意蓋紀其宣密命扶宸極勤王  
事守志節如此之類以篤恩獎況目其部曰內臣斯亦見其名矣豈  
須別白塵迹指示其身况觀漢書宦者傳或言給事太子家或云給  
事宮掖或云除小黃門先儒撰述非不講求今眾官優游典墳商榷  
去就微婉之道豈如是乎朕為此書欲章示後人質明素履俾覽卷  
忘倦見善則遷宜乎慎於稽古無使涉于譏諷傳云山數藏疾仲尼  
不假蓋子夏有旨也委同脩官詳正之

手札賜王欽若大中祥符三年二月

昨覽君臣事迹進草將帥部仁愛門若以贖還俘略振卹饑饉暴骸  
必瘞秋毫不犯斯數事近乎仁愛矣如張揚為大司馬性仁和無威  
刑部下人謀反發覺對之涕泣輒原不問今衆官評品謂之仁愛斯  
則異矣且將帥之體與牧宰不同以威禁暴以刑止殺先之以號令  
而下知懼均之以甘苦而衆不攜今謀反發覺輒原不問而又對之  
涕泣愈非將帥之事也朕向在藩邸屢令刑易講習諸書因記春秋  
息侯伐鄭大敗而還君子以為不察有罪其喪師也宜乎今張揚無  
威刑反者不問是不察有罪此尤宜旌別淑慝更商度之

諭王欽若新編君臣事迹廢滯卷篇序雷同手札

大中祥符

三月九月戊戌

覽所進總錄部廢滯卷中事迹述歷代廢滯不達之人若乃思謙之  
觸機無邪仲方之較謚無隱陳成之方正劉向之精忠馬融勤於諷



諫楊雄怙於勢利斯蓋為志不回為臣守正或偶失於旌勸而暫歛  
於徊翔以茲廢滯可為慨嘆若乃用貨以謀追求樂以為助脯人以  
續食著論以恃才至于不慎言而忤物每臨事而背俗坐事被譴失  
行貽譏此乃靡遵輓輒自臍溝壑又與夫大雅明哲君子進退之道  
不侔矣此書欲炳煥往行章寤闕疑使忠佞殊途妍醜不泐或敘時  
而淑慝或踪進以覲覲既昧否臧自貽顛沛又非國家廢滯也此卷  
中事迹無雅篇序雷同不以其道辨之何以為勸宜更高推而正之  
脩英宗實錄令曾公亮等陳所聞先帝德音手詔熙寧元年戊戌  
朕承文考之道烈嫌然在疚其致孝述美之志未嘗湏臾忘也惟規  
模宏遠煥乎同太宗之風圖治勤勞仁覆四海宜有奇謀偉迹布于  
朝廷其時政記起居注不能盡載者非均體大臣詳記而博詳之則  
殆將零落矣今著其錄必籍事實卿等綱舉條疏以備紀述使明兼

日月歷萬古而不晦是亦卿等贊襄之功

韓琦表進仁宗實錄答詔熙寧二年七月己丑

義豐以來載祀遠矣方冊所紀事功燦然仁宗皇帝得天聰明率惟  
仁誼澤被萬物恩加四裔卿等未獲舊聞載成信史以勤紬繹良厚  
嘉嘆

曾公亮表進英宗實錄答詔熙寧二年七月乙丑

帝王之興堯舜為盛不有二典豈垂億年英宗皇帝齊聖在躬神機  
周物大德中蘊豐功四施卿等撫實成書傳信終古討論至悉欽加  
不忘

重修神宗實錄詔建中靖國元年六月戊戌

朕惟序言紀事莫嚴一代之書尊制揚功是為天子之孝恭以神宗

皇帝厲精為治十有九年圖任忠賢修起法度內之立政以安百姓  
外之經武以威四鄰更新條制革弊索威德大業三代比隆而日  
者史官或懷私見議論去取各有所偏參錯異同未歸至當不惟無  
以傳信於萬世亦恐屢以招致於人言朕夙夜以思不遑啟處爰命  
加於論譔慮尚謬於見聞夫熙寧元豐事竇具備元祐紹聖編錄具  
存訂止討論其在今日筆則筆削則削宜公乃心是謂是非謂非無  
忝厥職庶稱朕丕揚先烈昭示無窮之意其令脩史官取索元祐紹  
聖寶錄應干文字討論事迹依公衆詳去取務要所書不至失實故  
茲詔示想宜知悉

湖南運判張勳乞編類詔令頒學校御筆

大觀一年五月十四日

學而不知為政非善學也比詔有司訓迪政事士所當知苟學而習  
之則仕而從政無所弗達可依所奏施行

強淵明乞劾供報九域志文字遲延官御筆

大觀二年四月三日

輿地之圖以周知天下山川藪澤畧畧之名與土地之所宜而致其貢稽考周官其事至詳今四海承平之久未能如古張官設屬續修其書而四方未以其事果上可依所奏施行

設官置吏詳定制書詔政和元年二月三日

朕惟成周之隆其法有歲一修者禮所謂正月之吉垂治法於象魏是也有十二歲乃一修者書所謂又六年考制度于四岳是也法以御時因時制宜與之損益乃克無愆故本之人情輔成治道者雖萬世不能有改也神宗皇帝稽古立極垂裕後世勅令格式之制取成于心其視六經實相表裏與夫精神心術之運德意志慮之美朕所遵承懼或失墜不可以加損焉而政令有所因革官司有所建明自元符修書以來十有二年條目猥煩未加編次稽之成周今適其時

宜行修纂以便遵用可依照聖祖聖故事設官置吏詳定刪脩差何  
報中提舉仍限一年成書其近降條具元符崇寧去取失當等指揮  
更不施行傳曰無作聰明亂舊章其體狀志務協厥中以丕承先帝  
之彝訓豈不韙歟

編次祖宗潛藩親書御筆

政和五年二月十五日

昭事祖考適追謨訓爰卜宮隅鼎新層構處奉列聖睿文宸翰垂訓  
萬世永寶無窮近聞金耀門文書庫有祖宗潛藩親書廟諱奏牘洎  
元豐內批詔旨皆得於塵壤之間恭閱數四殘楮斷幅蠹腐不完隨  
手紛紛愴然於懷可委官編次集類來工在京官司准此應士庶之  
家尚有舊藏者令並許綴中尚書省投進具名取旨卷秩多少量與  
支賜右勘會金耀門文書庫見為庫屋倒塌漏等處已差都官郎  
中畢仲愈司封員外郎陶悅編估官彭經張士亨侍其瑞劉紹點檢

倒塌踈漏庫屋修葺仍將本庫文字以年分官司編排技貯除已剗  
下都官畢郎中等依御筆指揮一就編次施行外其在京官司今剗  
付禮部關牒六曹寺監及應在京官司各仰所隸曹部委官如無所  
隸令本處委官遵依御筆指揮疾速施行



展采將有事於雲封永朴無文存諸祥於寶檢當甘泉發源之地顯  
國立眷命之仁既福薦以存臻見明聖之昭格齊慄躬膺於景貺寅  
威益勵於丹衷式是魯邦介於東夏屬錫封而告瑞恩與物以同休  
幸推在宥之恩用洽自天之慶應兗州禁囚死罪十惡官典犯正入  
已贓奏裁其加役流罪並免役一年下徒以並放獄下巡檢廂軍等支  
賜管內居民常切安撫不得別有差擾應緣封禪所闕或以官物充  
或以官錢收市無得科率軍民負罪逃匿者許一月內首露所部祠  
廟宜令精潔致祭賜文武百寮泰山醴泉云云

### 做災一

曲赦東京及河北見禁德音建隆三年

六月己亥

門下朕適當盛夏雨澤稍愆切慮刑獄之間或有淹滯輕繫小罪虛  
致淹留方屬炎蒸宜加欽恤其東云云



得雨德音

朕聞昊穹凝命陰陽下民貽水旱之災雖由天降導愆伏之氣亦以德消朕以眇躬恭臨大寶未洽和平之化遽延旱暵之災是用夕惕宵興徹懸貶食靡愛牲玉並禱神祇果上叶於靈心遂普濡於甘澤大田沃衍群動昭蘇耕稼咸興豐登有望顧感通之若此在祇畏以彌深宜洽寬恩與民同慶仰酬元貺式表至誠應京城諸道州軍府監縣鎮禁囚限德音到日已前除十惡五逆官典犯正枉法賊及謀殺故殺却殺人不在赦外餘並從釋放諸處亡命士卒及聚山林為郡盜者限詔到一月並許陳首限滿不首即論其罪先是黥面配隸逐虜等人並令有司件析以聞聽候進上云云於戲視民如傷景福所以來格慎終如始寶運所以靈長肆予冲人弗敢荒怠咨爾多士毋忘交修啟心弼違同底于道布告中外咸使聞知

乾元文明二殿灾求言詔

太平興國九年五月丁亥

朕以不敏託於兆人之上夙夜罔敢荒寧賴九廟儲祥上元降祐萬務粗治于今九年而數日前迅雷之中烈火遽作既延灾於正殿蓋示譴於眇躬祇畏震驚罔敢寧處上天儆戒必有由然豈非燭理之所不明賞罰之所未當物情尚多於雍塞政治未洽於和平生民未息於瘡痍獄訟未除於枉撓賦調未得均一賢良多所淹滯有一于此足敗政經載深御朽之誠思啟納言之路卿等列於有位咸切致君所宜各竭忠規共伸謹議揚朝廷之缺失陳時務之丕臧宜罄乃心必期無隱朕將親覽用自儆焉

彗星見赦

端拱二年八月丙辰

朕膺睿命寅奉丕圖躬親庶政之餘泛覽前王之誥何嘗不春冰在步朽索居懷上以畏天地之神靈中以保祖宗之洪緒然而涉道猶

淺燭理未明誠不動天信未及物刑罰有所未當政教有所未均天道無言星文有變仰觀垂象深用咎心緬思罪己之言方切在予之責庶幾惕懼聞達高明冀其棄殺生朝未累商王之治焚惑違舍以符宋景之仁雖云避殿撤懸自從於貶損曷若御樓肆赦廣示於愛矜宜覃曠蕩之恩溥洽寰區之內可大赦天下云云於戲先王治國止務於修身惟辟奉天敢忘於明誠更賴庶尹卿士共勵忠勤將相蓋臣輔予不逮化秋為福永孚于休自適及遐當體朕意

以旱罪己御札

端拱二年十月辛未

萬方有罪罪在朕躬顧茲雨雪愆期應是秋星所致為人父母莫敢違寧直以身為犧牲焚於烈火亦未足以答謝天譴當與卿等審刑政之闕失念稼穡之艱難恤物安人以祈元祐

答李昉等待罪書

淳化三年五月己酉

書曰股肱良哉庶事康哉在昔先王不能獨治必參建輔弼寅亮庶工故政化得於下則災沴消於上吏稱其職則王澤不壅民安其業則壽域可躋然後百度惟貞九功以叙可馴致於太平矣近年以來仍歲蝗旱稼穡不稔民多流亡治獄之官多舞文而巧詆司計之吏專聚斂而倍克州郡牧守不能奉宣詔條朝廷卿士不能修舉職業朕夙夜罪己勵精引咎思與卿等同底乎道用因間宴極論所長念所以致之之由慮所以救之之術何乃共陳章表極所敷陳過刑惕勵之言殊異倚毗之意朕已洗心知過改行自新卿等當愛精審神輔朕為治致君堯舜是所望焉高蹈箕頽是為末節所待罪云云

遣使巡行詔

淳化四年正月丁丑

朕奄有萬邦託於人上夕惕若厲視民如傷四日遠覽尚慮凝旒之轍一物失所必軫納隍之憂去年已來憊元滋甚江浙淮陝取被其

災歲既存饑人則艱食爰開廩庾以救流亡常平之蓄屢空轉徙之民相繼頗恣振奪多罹刑辟繫狴牢者既衆斃枯木而亦繁當官者謹守科條不體好生之意按察者專務循默罔伸刺舉之文盡然疚懷明發不寐用擇通方之士俾宣欽恤之仁韓授等所至之處可勞問疲羸申明詔旨苛詞獄犴周訪惻隱招集流亡俾其得所導揚墮過使得上聞刑辟之間務從輕典寧失不經有可以惠茲下民悉得以便宜從事官吏有能輒不勝任掇刻不撫下所行詔令有所未便等事咸宜條奏附疾置以聞布告吏民當體茲意

彗星見求言避正殿減膳詔

咸平元年  
二月甲午

自昔哲王之有四海也渴聞已過忻納讜言用能致時雍熙驅民仁壽矧予寡昧始嗣基圖逾歲于茲上穹謫見斯蓋時事乖舛政化鬱堙果州天心遽垂星變夙夜循省祇懼兼深敢忘責躬以答譴誡詢

于有位好以虛懷當思極言無有所隱朕將親覽惟善是從仍月令  
月五日不御正殿尚食所供常膳亦宜減省

祈雨詔咸平元年三月丁丑

農功伊始膏澤未霑爰伸至誠庶獲嘉應宜遣官告天地宗廟社稷  
歡濟京城祠廟寺觀

命張齊賢等分禱京城祠廟五嶽詔咸平元年三月甲午

時雨未洽宿麥可憂惕然疚懷再伸勤請庶至誠之昭感獲膏澤之  
普臨宜令戶部尚書張齊賢等分禱京城祠廟及五嶽各盡蠲潔副  
朕意焉

以旱減降兩京諸路禁固制咸平二年三月丁丑

朕欽奉丕圖勤勞庶政動遵明慎罔敢怠違而誠信未孚災沴斯作  
陽春向盡時雨大愆言念蒸黎不忘宵旰偏走群望未獲嘉應宜其

獄訟之間固盡哀矜之理致茲元暎能不隱憂俾緩常刑克謹天戒  
兩京諸路繫囚除十惡罪至死官典犯枉法賊劫殺謀殺故殺已殺  
人不降外死罪除從流流罪辟從徒徒罪從杖已下並釋之徒役人  
並放從使內點面人具所犯奏裁山林劫盜逃亡軍士限一月內首  
露並釋其罪限滿不首復罪如初

以早求直言

詔咸平二年閏三月丁亥

朕處九五之尊託億兆之主繼臨四海欽及再期軫宵旰之憂勞奉  
祖宗之憲度誠不感於穹昊惠未及於黎元歲周豐登氣尚堙鬱將  
厯炎蒸之候存成憊亢之災緩獄恤刑雖示哀矜之旨側身思咎彌  
深惕懼之懷比者屢降詔書大開言路頗多叢脞不足頒行且念古  
先哲王纂承統緒求工瞽之諫納芻蕘之言克濟大猷以臻至治咨  
爾縉紳之士洎于巖穴之倫必能辨朝政之是非察下民之疾苦無

懷畏避當悉數陳體予不諱之心副此惟行之命自今並宜直言極諫密疏以聞靡或尚於屬辭當直書其所見言善者必加甄賞理短者亦為優容勿習儒風復談鄙事誕告中外知朕意焉

頒畫龍祈雨法

景德三年五月丙辰

雩祭之祭禮經其存犧禮之文祠令攸載朕頃居儲貳魚治王幾虞十雨之有愆致千箱之失望預防農害常訪異聞或云畫龍以祠其術甚著屢因騶亢當事禱祈靈感遂臻嘉澍來應宜頒畫縣以祐蒸黎庶消旱暵之灾用慰憂勤之念其畫龍祈雨法令付有司宜令雕印頒下

遣程滌等詣諸路理繫因詔

咸平四年二月丙午

去冬以來嘉雪未普今春將半膏澤尚愆農事方興亢陽是懼偏受群望精祈上元感應未蒙祇畏良切得非郡國之內獄訟滋章控宇



之間縲繫淹久或傷和氣或召災氛是用時遣使車巡行諸道決其  
留滯務盡哀矜宜令庫部員外郎程渥等乘驛分詣諸路疎理繫囚  
杖以下並放內有公然淹緩刑獄處具事以聞

旱災遣官江南疎理繫囚詔景德元年九月

江吳之分亢暎為災言念蒸民遭茲艱食致嬰法網或繫園扉特命  
使車就加欽恤宜令戶部判官工部員外郎李昉右正言直史館張  
知白供奉官閤門祇候李仁侍禁閤門祇應郭盛乘驛分詣江南東  
西路疎理繫囚民間有一便事裁度利害實封以聞名山大川靈祠  
命吏精虔祭醮

江淮水旱命李迪等安撫詔

大中祥符四年六月丙寅

朕以寡德臨茲四方靡忘中旰之勤興洽阜康之治眷言江介迄彼  
淮濁水旱相仍四疇幾廢緬念黎庶於懷惻然宜令起居舍人直史

諒李迪為江淮南安撫使內殿崇班閣門祇候張利用為都監存問里閭察訪官吏訊詳行獄寬節財征務適便宜用圖安集

京西畿處蓄積之家能賑濟及減價糶者具名聞詔符大中祥

二月甲寅

如聞近幾穀價騰踊屢行拯救其復流亡更示軫懷特頒條制京西諸州軍民饑處安轉運便諭告舊積之家有能賑濟及以糧斛減半價出糶者並具名聞第行恩獎

去秋江淮旱命知制誥陳知微等巡撫淮南戶部判官袁成

務巡撫兩浙詔大中祥符八年三月丁卯

朕以眇躬纂于洪業萬方在念中夕靡寧敢怠焦勞期豈憚春惟淮甸迨及江吳去秋以來民田薄稔慮穀價之騰踊致吾民之阻饑雖復蠲其賦租振乃倉廩尚虞牧宰未盡於惠康則我黎黔何望於

賑濟故命朝著往敷至懷宜令知微等至逐州軍按視儲糧闕之處  
規度轉給因察訪巡檢使臣能否有弛職者按舉以聞

宋朝大詔令集卷第一百五十一

宋朝大詔令集卷第一百五十二

政事五

做災二

崇王宮火延燒殿庭求直言詔

大中祥符八年四月癸酉

朕欽承大寶祇勵小心膺眷祐之無疆荷靈禧之仰至少虧周慎戒有震驚雖曰因人敢忘克己今月二十三日夜崇王元儼宮不謹遺燼遠致延燒昏夕之間撲滅靡及遲明之際士伍駢臻尚賴群心率力盡瘁殿庭連屬不免致焚宮禁回環率皆安堵眷茲藩邸自失於防微仰謝宗祊彌深於省咎亦虞庶務未洽太和或政令匪中或物情有雍期間諫論以輔眇躬應文武官並許直言當從親覽渴聞規益勿悵傾輸命刑部員外郎兼侍御史知雜事王隨按劾崇王宮遺火人以聞

遣使循行諸郡詔

天禧元年四月庚戌

仍歲之內蝗旱為災禱事靡登流民相屬託居人上深用惻然臨遣使車循行方郡詢訪謡俗安集里閭式宣寬大之恩副茲勤恤之意宜令殿中侍御史張廓往京東路薛奎往河北路駕部員外郎判三司監鐵勾院張伸往兩浙路太常博士判三司度支勾院韓庶供奉官閭門祇應賈叢之往江南路著作郎集賢校理判三司都催欠憑由司張師德供奉官閭門祇應曹珣往淮南路體量安撫所至不得宴樂遊從及多借官津舟舡長吏亦無得迎送

蝗旱後赦天下制

天禧二年四月庚寅

門下朕仰膺靈命恭守丕基集綿素之珍圖開聖真之明系盛容交舉五卩並崇雖臻和平罔敢遐逸惟思日慎用答天休而間歲以來羽蟲為沴躬臨庶政在宵旰以忘勞徧走群臣故牲玉之斯潔菓精

誠之上達致善應以克臻爰自秋期逮于春序嘉雪屢降甘澤載霑  
翻飛之類自消流寄之民咸復歡謠塞路多稼盈時此蓋亨吳降祥  
祖宗垂鑒因與萬國均茲鴻禧況前夏在時薰風扇物俯順融明之  
令用新昭曠之恩可赦天下除十惡罪至死及已殺人不赦外餘死  
罪降從流流已下並釋之內劫賊雖不殺人亦具奏裁在京諸班直  
諸軍並持支賜災傷地分欠去年夏秋稅及借種貸糧悉與降放今  
年夏稅免十之三大名府登萊濰密衛青州免十之四仍不得折變  
及支往他處欠負物色未得依限科校候豐熟日漸次催納修造工  
供追集百姓工匠有妨農業並令權罷如係供軍切要者候次年癸  
裁追官責降人元不犯贓經大赦未得叙用雖經叙用未復舊資許  
諸官司投狀京朝官諸司使副閤門祗候因公事降充監當元非贓  
罪者復與親民得替幕職州縣官及違礙人並放其選近日群臣屢

奏諸虔不係名額僧尼院宇或匿姦盜騷擾鄉村况先有條貫至今  
毀折既言者頗衆用申明舊章尚慮州縣未能酌中失於體察如三  
十間已上見有佛像僧衆素不藏匿非違及名山勝境庵巖有道德  
高尚持念進修者雖不及三十間並許存留吳汾頓消豐登應感其  
祀典五嶽四清名山大川歷代聖帝明王忠臣烈士委長吏精虔致  
祭如有損壞宮修葺之配流徒役奴婢針工因劫盜斛斛配軍人悉  
放從便山林寇賊逃亡軍士限一月首露不至論罪如法云云於戲  
惟德動天故神歆於馨美推誠及物而人遂於億寧所以和氣克升  
豐祥洽至膺茲迪吉載惕予衷咨爾衆寮同增翼勵

奉減赦天下制

門下朕躬承駿命祇若永膺奉上帝之明威守三聖之成憲兢兢業  
業臻乎治平何嘗不欽翼百神敷崇至道茂修上下之祀迪對靈妙

之尊誠心感通禧瑞昭著然而勤求政體保祐黎元用荅靈休罔敢  
自逸近屬清秋戒序元象垂文躔次之間夙宵迥異雖天道淵邈曷  
究其精微而朕志欽承敢忘於寅畏尚慮四海至廣衆務惟繁內則  
三事百工外則方牧庶尹思所不運政或未孚獄訟有失於詳乎物  
情或至於堙鬱側身載省肝食在懷異與萬邦肆諸大青式稽前典  
俾協至和宜均在宥之恩庶表恤人之旨可大赦天下云云於戲吳  
穹眷懷寰區允騰惟期惕勵永保和寧咨爾群倫當體深意

河溢遣使安撫京東西河北路人民詔大禧三年八月庚戌

近以洪河溢於東郡申戒官吏即謀繕修願以資儲急於營度而京  
畿近地河朔與區境邑之間既隣於封壤畷艾之用爰賴於委輸已  
命攸司各伸良畫酌其經費遂彼便宜雖綸詔屢行務從於優恤而  
黔黎在念彌切於矜憐特遣使車往仰存撫宜令度支員外郎判度



支勾院方仲荀往京東路右正言判戶部勾院劉煜往京西路監鐵判官監察御史劉平往河北路體量安撫人民應有合寬恤更改事件與轉運使副所長吏會議施行

雨災德音

天聖四年六月丁酉

門下朕以祗膺靈命獲紹丕基仰循先烈之聖猷復稟母儀之慈訓躬親萬務勤卹庶邦邇祚以來于茲五載兢兢業業弗敢違寧所期享穹昊之監觀席宗祔之錫羨嘉主屢降協氣橫流何乃夏秋之交霖澍暴作廬舍浸淫而或墊河渠泛漲以為虞民頗不聊心焉如灼斯豈朝廷闕政之招也將朕躬薄德之致乎夙宵之間剋責方甚載念幅員之廣尚或摶埋顧惟渙汗之行率期昭泰應三京及諸道云云於戲前王罪已所以勅興大易振民斯惟格訓誕符雷雨之施庶導陰陽之和咨爾群倫當體予意

星變曲赦開封府畿內德音

天聖六年四月庚寅

朕以嗣服丕構撫寧庶邦荷真聖之延祥欽祖宗之垂裕幾微是慎  
旰食靡違內奉慈闈務協大中之訓外繫良弼期臻純一之風而景  
緯差常流輝示變厥咎安在斯可駭焉民聽惟聰官占有契此則上  
穹乃眷垂誠甚明顯循非冲敢忘抑畏且都畿之攸廣慮獄訟之尚  
繁屬茲炎燠之辰良切哀矜之念順薰風而布令推渥惠以為宜朕  
今前後殿不視事五日以今月二十五日為始庶伸惕勵仰荅靈心  
可赦開封府畿內諸縣云云於戲好生卹下用洽於羣情迪告敷和  
克遵於懿典咨爾有衆體朕意焉

霖雨赦天下制

天聖七年四月一日

朕以涼薄之資紹隆熙之業實賴慈訓保祐政塗迄茲累年方夏寧  
謐念守成之匪易惟屢省以在勤而春夏之交霖澍繼作田事將廢

里民其咨託居人上聳然嗟惕且懼皇極之未建號令之靡孚天其  
敬予敢不祇肅今治化猶鬱鬱繁尚繁豈無幽寃足戾和氣當寬重  
出輕之典體茂時育物之仁式布湛恩用綏庶品可大赦天下云云  
於戲虞舜欽刑則肯宥肆赦周宣修政則戒懼側身緬金前猷無忘  
懋德嘉興中外洒濯自新公卿大夫率謹常憲共輔不逮以對上靈  
之心

江淮體量安撫與長史問繫因減降詔

明道元年  
二月庚戌

江淮之間仍歲亢旱民之失職朕甚憫焉比遣使體量安撫其令與  
長史問所繫因除死罪及情理巨蠹官典犯法外自餘徒流遞降一  
等杖以下釋放雜犯死罪情可憫者聽奏裁

禁中火求直言詔

明道元年

朕猥以眇躬纂於洪緒既絕畎遊之好又無臺榭之營十載于茲未

嘗暇逸不意掖庭之內火禁非嚴一夕延燔徧於八殿而端門正寢  
禁帑群司猶免俱焚實繁衆力緬思降敕急省循其令內外臣寮  
直言朝廷闕失毋有所隱副朕意焉

宮禁火赦天下制

明道元年八月丁卯

朕祇荷眷靈紹膺統緒上以奉慈闈之訓助下以賴列辟之輔成允  
臻熙洽之期思隆久大之業罷畋遊之樂減服玩之珍臺榭之飾靡  
營聲色之娛不邇小大之獄必慎罰而得情中外之官必懋功而貴  
實守盈成之戒勵秋冀之心于茲十年固有怠志而首春已降列緯  
垂文踞次屢差官占預告洎閭閻之多室被焚燎以挺灾察其所因  
是為先儆不謂掖庭之內火禁弗嚴既烈燄之倏興屬清宵之未艾  
遂茲燔燼延及殿闈幸賴元昊降衷羣臣叶力儆塗之衆詰旦駢臻  
俄頃之間騰煙盡息端門路寢禁帑周虛俯接連甍並皆安堵載惟

非薄之質實居億兆之尊深慮政刑之闕未修德惠之流未溥聽斷  
之祭或失於重輕上下之情罔臻於交泰致斯譴謫集此震驚敢忘  
罪己之懷用覃肆眚之澤可大赦天下云云宮吳監觀垂誠斯在祖  
宗基構必葺是園當此鼎新在脩矩度固宜儉約豈敢增崇應宮殿  
之內昨經遺漏沿燒殿宇已指揮修葺大內司次第興修其臺殿宮  
室約祖宗舊制更從減省務敦儉素云云於戲友咎匪常載恩於修  
省暇疵盡滌宜召於和平咨爾士民當體朕意

星文赦天下詔

景祐元年  
八月辛未

門下朕以微眇之躬居億兆之上奉三后之成緒資列辟之忠規踵  
茲熙洽之期克臻嘉靖之治何嘗不慎守彝訓博詢謫言欽恤常刑  
憂勤庶政恩隆久大之業敢忘翼勵之懷仍歲以來沴災間作或螟  
蝗而為害或暵潦以臻傷頗多艱食之民屢頒振廩之惠方今秋成

在候農畝畢登既獲多稌之豐允洽如茨之詠而靈臺占氣列象騰  
芒考璇厯而仰觀見霄躔而示變荷高明之所敬懼涼薄之足貽削  
身靡寧其咎安在惟撫心而增惕思與物以自新逮于萬方率同大  
宥特避駕明之座仍減常膳之珍庶彰修省之誠式覃曠蕩之澤可  
大赦天下云云頃者災異荐臻焦勞在念特減尊崇之號異申祇慄  
之懷邇來輔弼近臣累有陳請過形順美願復徽名朕奉若靈心欽  
承明誠務從抑損以表寅威此後更勿獻言重予不德云云於戲天  
聽其通必符至德之言民心無常盡有好生之樂期休應之來格俾  
霈澤以斯行咨爾群倫當體予意

令提轉察官史詔

政平召祥化缺生沴推精蓋覆其猶影響故王者邇異而思德省己  
以及人交修治綱仰答靈譴朕雖寡昧敢忘斯舉比者善氣弗效陰

青屨臻坤體震於冬藏雷音發於春孟邊關民舍被害尤苦是用臨  
朝嗟惕馳使撫綏推咎以咨譴言協恭而成台宰興復愆繆庸克振  
除尚慮幅員之遐不無官守之衆或吏貪而弛或政虐而苛或陞宰  
有淹繫之寃或賦徭有調歛之急或受賕鬻直使下情壅於上聞或  
隱災逃負便醲恩隔於周浹或世愆逋折巧避赦原或歲嬰呼擾猥  
妨農作一物失所大和用虧朕念斯責者外則有提轉案巡之司次  
則有藩條守長之任率荷憂寄當體至懷苟前弊之尚存宜悲心而  
思草庶迎美應用洽重熙凡厥具僚無忽於職宜令三司及諸路轉  
運使副提點刑獄案察所部官吏以聞